

LIBURUAK

Izenburuak: 'Ura' eta 'Zerua eta espazioa'. **Egileak:** Jean-Baptiste de Panafieu eta Natacha Fradin, hurrenez hurren.

Marrazkiak: Sophie Lebot. **Bilduma:** Natura Ikertzen. **Orrialde kopurua:** 40na orrialde, koloretan. **Adina:** 5 urtetik gorakoentzat.

Argitaletxea: Ttartalo.

Bestetik, informazio hori haurren jakin-mina pizten duten hainbat datu bitxirekin uztartzen da, eta emaitza bikaina lortu: liburu interesgarriak eta, aldi berean, entretenigarriak.

Informazioa modu argian eta zehatzean ematen da, gainera. Testu laburrak eta arinak dira.

Bilduma honetan azpimarraigarria da testuen egileak adituak direla naturaren zientzietan. Horretaz gain, hezkuntzaren munduan ibilitakoak dira; beraz, haurren kuriositatea pizteko eta asetzeko beharrezkoak diren baliabideak menperatzen dituzten profesionalek egindako materiala da. Hala, azalpenak emateko, testu laburrak eta esaldi argiak eta sinpleak erabiltzen dira.

Aurkeztu ere, modu ikusgarrian aurkezten da informazioa.

Zalantzarik gabe, bildumaren itxura bera da liburu hauek duten arrakastaren gakoetako bat. Itxura atsegina eta erakargarria dute, eta, horri esker, haurra erraz erakartzen dute. Testu samurrak irakurri eta argazki eta ilustrazio ederrekin gozatuz, naturaren mundu liluragarrian murgiltzeko gonbita egiten duten liburuak dira.

Zein da bildumaren helburua?

Nire ustez, helburuak bat baino gehiago dira: kalitatezko liburuen bitartez, natura hobeto ezagutzeari; gizakiok ere naturaren parte bat garela ulertzeari; eta barnerraren eta unibertsoaren baliabideak babesteari eta zaintzearen garrantziaz kontzientzia pizteari.

Natura ikertzen jarraitzeko aukera izango dute irakurleak? Beste izenbururik argitaratzeko asmorik baduzue?

Printzipioz, bai, bildumak jarraipena izango du. Bilduma honen barruan hainbat titulu interesgarri daude, eta laster bideratuko ditugu beste bi izenburuen euskarazko itzulpenak. Urtea bukatu aurretik, eskuragarri egongo dira liburu dendetan.

Itziar Irastorza

TTARTALO ARGITALETXEKO ARGITARATZAILEA

«Haurrak askotan egiten dituen galderen erantzunak topatuko ditu»


Naturak uste baino sekretutxo gehiago ezkututzen ditu barruan. Uraren, zeruaren eta espazioaren eta haien jira eta bueltan gordetzen diren misterioak, informazioak eta bitxikeriak azaleratzen dira Natura Ikertzen bilduman. Erraz eta arin irakurtzen diren testu laburren bidez, eguneroko fenomenoak eta gertaerak argitzen saiatu dira egileak. Marrazki eta argazki ikusgarriak lagunduak datoz azalpen laburrak.

Naturaren sekretuak erakusten dituen bilduma da, ezta?

Bai, halaxe da. Natura Ikertzen sailko liburuek naturak gordetzen dituen hainbat altxorren berri ematen digute, oso modu didaktikoan, gainera. Istorioren baten moduan kontatzeko eta dokumental baten moduan ikusteko liburuak dira.

Datu ugari ematen dira: terminoen definizioa, eguneroko fenomenoaren azalpena...

Informazio asko, aberatsa eta zuzena aurkituko du irakurleak liburu hauetan. Kapitulu edo atal bakoitzean, urarekin, zeruarekin eta espazioarekin lotutako oinarriko da-



tuak eta kontzeptuak azaltzen dira; umeari ingurumena eta naturaren legeak hobeto ulertzen lagunduko dion informazio baliagarria. Azken batean, haurrak askotan egiten dituen galderen erantzunak topatuko ditu bi liburu hauetan.

Informazioarekin batera, bitxikeriak, anekdotak eta datu esanguratsuak ere ematen dira.

Bildumaren egileek lortu dute edukiaren itxura eta egitura bizia eta erakargarria izatea. Batetik, ondo dokumentatutako testuak jasotzen dira; gai eta kontzeptuen azalpen zehatzak bezain argiak.

